

Gin Lee 號召粉絲做善事

想紅館開騷

杜德偉呻排期難

杜德偉去年在新加坡及內地多個城市舉行巡唱，5月又會到台北開騷。前晚他出席音樂會時被問何時回歸香港開演唱會？他坦言一直在紅館開騷，因覺得紅館是代表香港的表演場地，一直有入紙申請，但大呻很難排期。

杜德偉、李幸倪（Gin Lee）和梁釗峰前晚應邀出席慈善音樂會，藉音樂引起大家關注保單捐贈文化。杜德偉笑言這天有機會跟母校的師弟敘舊：「聽講今日有好多我母校聖保羅書院的師弟到場，我1978年畢業，應該現場好多90後畢業啦，時間過得好快，人生好快，一轉眼由20幾歲，好奇怪就已經到60歲。」

與林志穎友情不變

杜德偉受訪時表示：「我相信生命影響生命，今次呢個音樂會，除咗係普通做慈善工作之外，最緊要係想傳達一個訊息，就係人人都可以做施惠者個個。」提到早前林志穎在社交平台上載跟杜德偉的合照，勾起不少人的回憶，杜德偉表示：「我同林志穎係90年代初已結下不解之緣，係好好嘅朋友。當年我去台灣嗰陣，佢會帶我四圍玩同食嘢，經常見面，後來大家各有各忙就好耐冇見。上次再見面係講唔出嘅感動，真係唔止十年，係廿年人事幾番新！感覺仍然係當年嘅好兄弟、好朋友，咁多年友誼心中不變。」

過去一年，他在新加坡及內地多個城市舉行巡唱，下一站是5月到台北小巨蛋，不少香港歌迷都問他何時回歸「主場」開騷？他坦言：「其實我都好想嘍香港開演唱會，更希望紅館開，因為紅館係香港較具代表性嘅表演場地，可惜好難排期。」

獲大批粉絲到場打氣的Gin Lee表示：「我鍾意做慈善工作，亦知道我嘅fans都鍾意，因為人人都出一分力，就可以變成一種好大嘅能量，而且可以幫到好多唔同需要嘅人，所以我會集結粉絲嘅力量一齊去做慈善工作。我最想幫助助助寵物嘅慈善機構、保護兒童同照顧情緒健康嘅工作，畀有需要嘅人知道你哋冇被呢個世界忽略、遺棄。」

已第二次參與保單捐贈音樂會的釗峰說：「我哋任何一個人都可以施予幸福畀人，不論係畀多同少。呢幾年一場疫情，大家可能同我一樣都會覺得自己好渺小，好容易被擊倒，但原來唔係，我哋可以企番起身，亦都可以伸手去幫人，呢個就係奇妙嘅人生。」



釗峰認為施比受更有福。



李幸倪關心虐兒等問題。



林志穎(左)與杜德偉都似吃了防腐劑。

杜德偉相信生命影響生命，故經常作慈善演出。

曾比特戲癮大
唔想咁快死

曾比特昨日以嘉賓身份出席「香港無煙領先企業大獎2023」頒獎禮，早前他因肌肉急性發炎，要坐輪椅或撐拐杖行路，昨日則行動自如，他透露現時上斜落斜也沒問題，只是仍未能做劇烈運動，跳舞則最少要3個月後。談到他唱劇集《婚後事》主題曲成爲熱話，問到可想拍劇？他說：「拍劇可以，但唔好古裝，因我髮線好高，之前我第一次拍電影《臨時劫案》，本來我演戲天分被激發，但最後一出場就俾郭富城打死，我謝票時都叫導演再搵我演出，但唔好咁快死。」

曾比特昨出席活動。

唐詩詠首次遊英國
體驗一日食六餐

唐詩詠昨日宣傳HOY TV節目《英國邊忽好》，早前到英國體驗當地文化的她，除了學英國人一日吃六餐外，又接受騎術訓練，雖然拍劇時學過騎馬，但她稱騎機械馬時又快又震，令她忍不住尖叫喊驚！甚少做綜藝節目的詩詠花了20日走訪英國3處地方，包括倫敦和約克，她說：「雖然行程辛苦，但認識咗英國文化，了解佢哋點解要一日食六餐，我真係食足6餐，食到嘔都有食剩。」由於拍攝行程緊密，首次踏足英國的她大呻沒時間購物。

詩詠表示之後與HOY TV仍有機會合作，並稱離開無綫後多了新嘗試，可以接觸更多人，間接令她心境轉變：「以前我唔做綜藝，因為怕自己唔識做，原來可以有包袱去做，畀大家見到真正嘅我。」問到是否愛上做旅遊節目？她說：「其實我都鍾意離開香港工作，如果一年去一個地方都可以，我最想去希臘同埃及，好想睇金字塔。」



唐詩詠以前太多包袱，不會拍旅遊節目。

蔡卓妍（阿Sa）與鍾欣潼（阿嬌）完成Twins紅館14場演唱會後稍作休息，最近已投入工作。阿Sa再與頭髮護理品牌續約代言，除了香港，其代言版圖更擴展亞洲多個國家，包括新加坡、馬來西亞及泰國。她表示有自己一套護髮心得：「出埠拍戲就算開通頂，幾邊幾眼瞓都好，返到酒店我會堅持洗埋頭先瞓。頭皮好好養育，每日洗完頭之後，一番條界，然後將護髮精華啣啣條界按摩，等頭皮吸收晒啲精華，幫助頭皮健康。」問到酬勞有否加碼？她笑言雙方都開心：「最緊要品牌覺得物有所值。」

阿Sa滿意代言酬勞。

阿Sa衝出香港做「髮」言人